



جدوال قمبراچاين خطبه جمعة

Siri 1/ 2023 (Bulan Januari Tahun 2023)

تاريخ	تاجوق	ب
6.1.2023M/ 13 Jamadilakhir 1444H	خطبة تاهون بارو: مسلم حقيقي، فكرجا برکواليتي	1.
13.1. 2023M/ 20 Jamadilakhir 1444H	وقف: قلواغ فهاالا يغ دلوفا	2.
20.1. 2023M/ 27 Jamadilakhir 1444H	جاغن خيائي چينتا	3.
27.1.2023M/ 5 Rejab 1444H	هيلغن سني ليدہ	4.
خطبه کدوا		

دبياءاي:



زكاة فولاو فينغ

دتربيتكن:



جابتن حال إحوال اكام اسلام فولاو فينغ

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Hilangnya Seni Lidah

(20 Januari 2023M / 27 Jamadilakhir 1444H)

الْحَمْدُ لِلَّهِ الَّذِي شَقَّ لِلْإِنْسَانِ سَمْعَهُ وَبَصَرَهُ، وَجَعَلَ لَهُ لِسَانًا فَأَنْطَقَهُ،
وَخَلَقَ لَهُ عَقْلاً وَكَلَفَهُ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ وَلَا نَظِيرَ وَلَا نِدَّ لَهُ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ وَصَفِيُّهُ وَخَلِيلُهُ،
صَلَّى اللَّهُ وَسَلَّم عَلَى سَيِّدِنَا مُحَمَّدٍ صَفْوَةِ خَلْقِهِ، وَعَلَى آلِهِ الْمُطَهَّرِينَ
وَطَيْبِ صَحْبِهِ. أَمَّا بَعْدُ فَيَا عِبَادَ اللَّهِ، إِنِّي أُوصِيكُمْ وَإِيَّايَ بِتَقْوَى اللَّهِ الْعَلِيِّ
الْعَظِيمِ فَاتَّقَوْهُ.

SIDANG JUMAAT SEKALIAN,

Khatib menyeru sidang jemaah sekalian agar terus meningkatkan ketakwaan kepada Allah سُبْحَانَهُ وَتَعَالَى agar kehidupan di dunia dan akhirat mendapat kesejahteraan.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja, bermain telefon bimbit dan menggerakkan tabung kutipan derma. Justeru itu, khatib pada hari ini ingin menarik perhatian jemaah dengan khutbah bertajuk: **"Hilangnya Seni Lidah."**

SIDANG JEMAAH RAHIMAKUMULLAH,

Dahulu kita diajar oleh orang tua-tua kita supaya meminta izin dahulu sebelum lalu di hadapan atau di belakang orang yang tua. Kita juga akan jalan



menunduk sedikit sebagai tanda hormat. Begitu juga, kita dididik untuk merendahkan suara, dan tidak berani menyampuk apabila orang yang lebih dewasa sedang bercakap.

Adab-adab seperti ini amat bertepatan dengan ruh agama kita yang mulia. Namun, generasi anak-anak kita sekarang dilihat semakin tidak mahir mempamerkan adab bertutur kata. Di sekolah, pelajar-pelajar berbahasa lebih kurang apabila bercakap dengan cikgu. Di rumah, anak-anak berani meninggikan suara dengan ibu dan bapa. Seorang adik tidak lagi merasa penting untuk menghormati abang dan kakak sendiri. Begitu juga dalam masyarakat kita, anak-anak muda kita tidak pandai menyapa dan menunjukkan rasa hormat kepada orang yang lebih tua. Justeru, ambillah perhatian bahawa generasi anak-anak kita sekarang bakal menghadapi krisis adab yang besar kelak.

SIDANG JUMAAT YANG DIRAHMATI ALLAH,

Cabaran yang sedang ditempuh anak-anak kita sekarang menyebabkan mereka semakin kekurangan nilai Islam dan mengamalkan adab ketimuran dalam berkomunikasi atau bermuamalah dengan orang sekeliling. Oleh yang demikian, khatib ingin menegaskan dua punca paling pokok dalam masalah yang kita sedang hadapi ini. Pertama, sikap ibu dan bapa. Kedua, kesan *smartphone* atau telefon pintar.

Menjadi ibu bapa masa kini adalah lebih mencabar. Kebanyakan daripada kita, suami dan isteri sama-sama bekerja demi mencukupkan keperluan ahli keluarga. Akhirnya, yang menjadi mangsa adalah anak-anak. Segelintir anak-anak yang ditinggalkan di rumah kurang kasih sayang, jarang dapat berkomunikasi dan banyak menghabiskan masa dengan rakan-rakan berbanding dengan ibu bapa sendiri. Amat membimbangkan, anak-anak sekarang lebih banyak menghadap telefon sehingga tidak menghiraukan sesiapaupun yang ada di sekeliling mereka.

TUAN-TUAN YANG DIRAHMATI ALLAH SEKALIAN,

Kajian membuktikan bahawa komunikasi anak-anak dengan ibu bapa memberi kesan besar kepada perkembangan peribadi, tingkah laku dan sistem kepercayaan.



Namun, apa yang terjadi sekarang amat menggusarkan. Ibu bapa sekarang dilihat gagal memahami kehendak anak-anak. Kesibukan ibu bapa mendedahkan anak-anak kepada kesan-kesan negatif termasuk ketagihan kepada gajet yang tidak terhad. Mereka sudah tidak mengerti dan hilang tutur kata sopan apabila bercakap dengan orang yang lebih tua, malahan dengan sanak-saudara terdekat.

Malah kini, anak-anak kita juga sebahagiannya gagal bersosial dengan baik sehingga tidak langsung merasa penting untuk menghadiri majlis-majlis kematian, kenduri-kendara dan menziarahi jiran tetangga yang sakit atau melibatkan diri dalam program-program kemasyarakatan.

Kesannya nanti, masyarakat kita yang terbentuk adalah masyarakat yang kasar tutur katanya, mementingkan diri sendiri dan bersikap seperti kera sumbang di dalam sesebuah masyarakat.

SIDANG JEMAAH RAHIMAKUMULLAH,

Hari ini kita dapat melihat anak-anak sudah tidak mengendahkan ibu bapa walaupun duduk bersama di satu meja makan. Masing-masing tidak hirau antara satu sama lain, seolah-olah ahli keluarga tiada makna lagi dalam kehidupan realiti, berbanding kehidupan di alam maya. Perkara ini lebih meruncing ketika pandemik *Covid-19* melanda, kerana anak-anak diberikan akses seluas-luasnya kepada gajet atas alasan belajar.

Apa natijahnya? Ada segelintir anak-anak kita bakal hilang rasa hormat, hilang rasa menghargai, dan tidak mampu lagi untuk menyapa dan menyusun kata dengan nada terhormat, walau dengan sesiapa pun mereka berurusan.

Beringatlah bahawa media sosial dan perhubungan maya amat merbahaya jika ibu bapa gagal memandu dan mengawal anak-anak ketika menggunakannya.

Di media sosial *facebook*, *Instagram*, dan *tiktok* contohnya, sesiapa sahaja bebas mencaci dan menghina dengan tulisan mereka. Malah, sesiapa sahaja boleh memuat turun gambar dan video walaupun mencemarkan maruah diri,

membuka aurat, menyebarkan keaiban orang, menipu, mengadu domba, dan berkongsi bahan lucah. Rasulullah ﷺ bersabda:

إِنَّ الْعَبْدَ لَيَتَكَلَّمُ بِالْكَلِمَةِ مِنْ رِضْوَانِ اللَّهِ لَا يُلْقِي لَهَا بَالًا يَرْفَعُهُ اللَّهُ بِهَا دَرَجَاتٍ
وَإِنَّ الْعَبْدَ لَيَتَكَلَّمُ بِالْكَلِمَةِ مِنْ سَخَطِ اللَّهِ لَا يُلْقِي لَهَا بَالًا يَهْوِي بِهَا فِي جَهَنَّمَ

Maksudnya: “Demi sesungguhnya seorang hamba akan menurut tentang sesuatu perkara yang termasuk dalam keredaan Allah, sedang dia tidak menyedarinya, namun dengan sebab satu kalimah itu Allah menaikkan martabatnya kepada beberapa darjat. Sebaliknya ada pula yang berbicara tentang satu perkara yang termasuk dalam kemurkaan Allah, pada hal dia tidak memnyedarinya, dengan sebab satu kalimah yang buruk itu dia akan dimasukkan ke dalam neraka Jahannam.” (Hadis Riwayat Al Bukhari)

Justeru, beringatlah sidang jemaah dan anak-anak remaja di dalam masjid ini, sekali kita menulis perkara buruk atau memuat naik perkara negatif sama ada tentang diri kita atau orang lain, selama bahan tersebut boleh diakses oleh orang lain, maka selama itulah dosa kita terus mengalir. Allah berfirman dalam surah Al-Isra’ ayat 36:

وَلَا تَقْفُ مَا لَيْسَ لَكَ بِهِ عِلْمٌ إِنَّ السَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عَنْهُ
مَسْئُولًا ﴿٣٦﴾

Maksudnya: “Dan janganlah kamu mengikuti sesuatu yang tidak kamu ketahui. Kerana pendengaran, penglihatan dan hati nurani, semua itu akan diminta pertanggungjawabannya.”

SIDANG JEMAAH SEKALIAN,

Sebagai kesimpulan, khatib ingin menarik perhatian jemaah sekalian kepada perkara-perkara berikut:

Pertama: Ibu bapa hendaklah memupuk kembali adab-adab ketika bercakap atau berkomunikasi dengan pelbagai lapisan masyarakat. Pendidikan bermula dari rumah dan kita adalah cerminan pada anak-anak.



Kedua: Ibu bapa hendaklah membimbing dan memandu anak-anak dalam penggunaan telefon bimbit supaya masa anak-anak terisi dengan perkara-perkara berfaedah.

Ketiga: Ibu bapa perlu mengajar anak-anak bersosial secara sihat. Bahkan ibu bapa juga digalakkan untuk turut serta dalam kegiatan anak-anak dan kawan-kawan mereka.

Firman Allah dalam Surah An-Nisa' ayat 9:

وَلِيَخْشَ الَّذِينَ لَوْ تَرَكُوا مِنْ خَلْفِهِمْ ذُرِّيَّةَ ضِعْفًا خَافُوا عَلَيْهِمْ فَلْيَتَّقُوا اللَّهَ وَلْيَقُولُوا قَوْلًا سَدِيدًا ﴿٩﴾

Maksudnya: “Dan hendaklah takut (kepada Allah daripada melakukan aniaya kepada anak-anak yatim oleh) orang-orang (yang menjadi penjaganya), yang jika ditakdirkan mereka pula meninggalkan anak-anak yang dhaif (yatim) di belakang mereka, (tentulah) mereka akan merasa bimbang terhadap (masa depan dan keselamatan) anak-anak mereka; oleh itu hendaklah mereka bertakwa kepada Allah dan hendaklah mereka mengatakan perkataan yang betul (menepati kebenaran).”

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن جانواري

2023M/ 1444H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta,



memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam kalangan orang-orang yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾